



BOSNIA AND HERZEGOVINA
INSTITUTE OF METROLOGY
OF BOSNIA AND HERZEGOVINA

Broj: UP 05.1-46-6-FD-52-8/24
Sarajevo, 05.06.2024. godine

Na osnovu člana 15. stav 2, Zakona o mjeriteljstvu Bosne i Hercegovine („Službeni glasnik BiH“, broj 19/01), člana 61. stav 2. Zakona o upravi („Službeni glasnik BiH“, br. 32/02, 102/09 i 72/17) i člana 197. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), te u skladu sa Pravilnikom o imenovanim mjeriteljskim laboratorijama („Službeni glasnik BiH“, broj 75/14), a po zahtjevu KJKP „Sarajevogas“ d.o.o. Sarajevo, Trg Fadile Odžaković Žute 4, 71000 Sarajevo, BiH, direktor Instituta za mjeriteljstvo Bosne i Hercegovine, donosi

RJEŠENJE
o imenovanju laboratorije

- Ovim Rješenjem imenuje se KJKP „Sarajevogas“ d.o.o. Sarajevo, za obavljanje poslova verifikacije mjerila protoka gasa i elektronskih korektora protoklog volumena gasa, prema tabeli iz tačke 2 koja je u prilogu ovog rješenja. Laboratorija za verifikaciju mjerila se nalazi na adresi, Rajlovačka b.b., 71000 Sarajevo.
- Rješenje o imenovanju laboratorije sa prilogom koji je sastavni dio ovog rješenja važi do 04.06.2026. godine.
- Nadzor nad radom imenovane laboratorije vršit će Institut za mjeriteljstvo Bosne i Hercegovine (u daljem tekstu: Institut) najmanje jedanput godišnje, na osnovu člana 33. stav 2. Zakona o mjeriteljstvu BiH i Pravilnika o imenovanim mjeriteljskim laboratorijama.
- Imenovana laboratorija je obavezna da vodi evidenciju verifikovanih mjerila i dva puta mjesečno dostavlja izvještaj o izvršenoj verifikaciji elektronskim putem e-mail: verifikacijamjerila@met.gov.ba.
- Imenovanoj laboratoriji dodjeljuju se verifikacione oznake sa brojem V12.
- Rješenje stupa na snagu danom donošenja.

Obrazloženje

KJKP „Sarajevogas“ d.o.o. Sarajevo, podnio je Institutu zahtjev za izdavanje rješenja o imenovanju laboratorije za verifikaciju mjerila protoka gasa i elektronskih korektora protoklog volumena gasa, sa pratećom dokumentacijom, zaveden pod brojem UP 05.1-46-6-52-1/24 od 09.04.2024. godine.

Uz zahtjev su dostavljene kopije sljedećih dokumenata: registracioni list pravnog lica, certifikat o akreditaciji laboratorije u skladu sa standardom BAS EN ISO/IEC 17020 za oblast imenovanja, dokumentovane verifikacione metode koje su predmet imenovanja, izvještaji o verifikaciji za prijavljenu oblast, certifikati o kalibraciji etalona i mjernih instrumenata, poslovnik o kvalitetu laboratorije po kriterijima standarda BAS EN ISO/IEC 17020, spisak osoblja laboratorije sa njihovim kvalifikacijama i funkcijama.

U skladu sa Pravilnikom o imenovanim mjeriteljskim laboratorijama („Službeni glasnik BiH“, broj 75/14), od strane direktora Instituta, imenovana je Komisija za utvrđivanje ispunjenosti uslova u laboratoriji u kojoj se vrši verifikacija mjerila, rješenje broj UP 05.1-46-6-FD-52-2/24 od 25.04.2024. godine, sa zadatkom da utvrdi kompetentnost laboratorije za poslove verifikacije mjerila. Nadalje,



Branilaca Sarajeva 25, 71000 Sarajevo
+387 33 56 89 01 +387 33 56 89 09
www.met.gov.ba info@met.gov.ba
ID BROJ: 4201178930001





Komisija je pregledala zahtjev i utvrdila kompletnost dokumentacije koju moraju ispunjavati imenovana laboratorija za obavljanje poslova verifikacije mjerila protoka gasa i elektronskih korektora proteklog volumena gasa, radi utvrđivanja činjenica neposrednim zapažanjem provela ocjenjivanje u prostorijama podnosioca zahtjeva.

U provedenom postupku je utvrđeno da laboratorija za verifikaciju mjerila KJKP "Sarajevogas" d.o.o. Sarajevo, ispunjava posebne uslove propisane odredbama člana 4. Pravilnika o imenovanim mjeriteljskim laboratorijima, te utvrdila:

- (1) Da je laboratorija akreditirana kod Instituta za akreditiranje Bosne i Hercegovine – BATA, prema zahtjevima standarda BAS EN ISO/IEC17020:2013, inspeksijsko tijelo tip C (broj sertifikata o akreditaciji IN-121-01 od 08.05.2023. godine). Akreditacija vrijedi do 22.06.2025. godine.
- (2) Da je laboratorija obezbjedila dovoljan broj osoblja koje posjeduje kompetentnost za obavljanje aktivnosti verifikacije mjerila u predmetnoj oblasti, koje djeluje nepristrasno i radi u skladu sa sistemom kvaliteta. Spisak zaposlenog osoblja s funkcijama koje obavljaju u laboratoriji dat je u prilogu ovog rješenja (tabela iz tačke 1 priloga).
- (3) Da su tehnički rukovodilac laboratorije kao i svi uposleni upoznati sa postupkom ispitivanja i verifikacije mjerila protoka gasa i elektronskih korektora proteklog volumena gasa, održavanja mjerne i druge opreme, te se obavezuje da će se u poslovanju laboratorije pridržavati Zakona o mjeriteljstvu BiH („Službeni glasnik BiH”, broj 19/01), podzakonskih akata koji proizlaze iz Zakona o mjeriteljstvu BiH; podzakonskih akata koji su ostali na pravnoj snazi iz SFRJ i međunarodnih preporuka za zakonsko mjeriteljstvo.
- (4) Da laboratorija posjeduje sertifikate o kalibraciji za radne etalone.

Slijedom svega navedenog Komisija je izradila Izvještaj sa ocjenjivanja broj UP 05.1-46-6-FD-52-7/24 od 29.05.2024. godine, na osnovu kojeg je ovaj organ u provedenom postupku utvrdio da KJKP "Sarajevogas" d.o.o. Sarajevo, ispunjava uslove za imenovanje laboratorije, a sve u skladu sa članom 15. stav 2. Zakona o mjeriteljstvu Bosne i Hercegovine i Pravilnika o imenovanim mjeriteljskim laboratorijima, te je odlučio kao u dispozitivu ovog rješenja.

Sastavni dio ovog rješenja je prilog u kojem je dat spisak zaposlenog osoblja i specificirani opseg rada laboratorije.

Administrativna taksa po tarifi koja je propisana Zakonom o administrativnim taksama („Službeni glasnik BiH”, br.: 16/02, 19/02, 43/04, 08/06, 76/06, 76/07, 03/08, 42/08, 03/10, 98/12, 15/14, 78/14, 32/17, 53/17, 62/17, 73/17, 68/19, 18/20, 30/22, 83/2022 i 32/2023) u iznosu 5,00 KM i 15,00 KM, naplaćena je od podnosioca zahtjeva.

Pouka o pravnom lijeku: Protiv ovog rješenja nije dozvoljena žalba, ali se može pokrenuti upravni spor pred Sudom Bosne i Hercegovine u roku od šezdeset (60) dana od dana prijema ovog rješenja.



Dostavljeno:

- Imenovanoj laboratoriji
- a/a



PRILOG I: Spisak zaposlenog osoblja i opsega aktivnosti verifikacije

1. SPISAK ZAPOSLENOG OSOBLJA

	IME I PREZIME	Radno mjesto	Stručna sprema
1.	Ibrahim Busuladžić	Tehnički rukovodilac laboratorije/ Zamjenik rukovodioca za kvalitet	VSS
2.	Ramiz Čaušević	Rukovodilac kvaliteta/ Zamjenik tehničkog rukovodioca laboratorije	VSS
3.	Amir Beganović	Mjeritelj	SSS
4.	Zlatko Mešanović	Mjeritelj	SSS
5.	Edin Ramić	Mjeritelj	SSS

2. SPECIFICIRANI OPSEG RADA LABORATORIJE

	Predmet verifikacije	Mjerni opseg
1.	Mjerila protoka gasa sa mjemhom	(0,016 do 40) m ³ /h
2.	Turbinska i rotaciona mjerila protoka gasa	(0,35 do 4000) m ³ /h
3.	Elektronski korektori protoklog volumena gasa	(0 do 100) bar (-30 do +165) °C

Napomena: Tehnički rukovodilac laboratorije je dužan da o svakoj promjeni zaposlenog osoblja kao i etalonske i druge mjerne opreme u pisanoj formi obavijesti Odsjek za imenovanje laboratorija, nadzor i verifikaciju, Instituta za mjeriteljstvo BiH

